

**CONVENIO ENTRE O INSTITUTO GALEGO DE PROMOCIÓN ECONÓMICA E A FEDERACIÓN GALEGA DE NOVOS EMPRESARIOS (AJE GALICIA) PARA A REALIZACIÓN DE ACTIVIDADES DE APOIO AO EMPRENDIMENTO**

**MEMORIA XUSTIFICATIVA**

O Director da Área de Competitividade do Instituto Galego de Promoción Económica (IGAPE)

**DECLARA:**

Que este ente ten previsto formalizar coa Federación Galega de Novos Empresarios (AJE GALICIA), o instrumento convencional arriba referido por un período de vixencia que abrangue dende o día da súa sinatura ata o 30 de decembro de 2022.

Que o instrumento convencional ten por obxecto:

*colaboración para o desenvolvemento por parte de AJE GALICIA de actividades e programas específicos de apoio ás persoas emprendedoras que complementen, potencien ou reforcen as actividades do IGAPE neste eido durante o período 2021-2022, na procura de sinerxías que teñan un efecto multiplicador dos recursos públicos destinados ao efecto. En particular:*

- *Asesoramento e titorización para a creación de empresas.*
- *Formación específica para fomento do emprendemento e dinamización do rural.*
- *Formación específica para autónomos*
- *Actividades de networking*
- *Congreso Joven Empresario*

Que existe converxencia de intereses entre as entidades asinantes en orden á consecución do obxecto referido.

Que o instrumento convencional que se pretende asinar fundamentase no seguinte:

*1. Que o Igape é a axencia de desenvolvemento rexional de Galicia cuxa natureza xurídica é a de ente de dereito público con personalidade xurídica e patrimonio propios. Entre os seus obxectivos están os de fomentar a creación de novas empresas e facilitar servizos de asesoramento, planificación, xestión, financiamento, formación, localización, seguimento e, en xeral, calquera outro que poida contribuír á creación e desenvolvemento das empresas e a mellora do sistema produtivo galego. Asemade, a Lei 9/2013, do 19 de decembro, do emprendemento e da competitividade económica de Galicia, establece que o Igape terá a consideración de entidade instrumental do sector público autonómico con competencias en materia de emprendemento.*

II. *AJE GALICIA é unha entidade sen ánimo de lucro de carácter multisectorial, constituída o 28 de novembro de 2008. É unha federación das Asociaciónes de Jóvenes Empresarios de Galicia (AJE A Coruña, AJE Ferrolterra, AJE Pontevedra, AJE Vigo, AJE Lugo e AJE Ourense) con ámbito de actuación nas catro provincias galegas. Integra ao colectivo de empresarios menores de 40 anos de todos os sectores de actividade e é a primeira e única entidade galega recoñecida a nivel nacional que agrupa e defende os intereses dos novos empresarios e emprendedores galegos. Ten o respaldo da CEAJE (Confederación Española de Asociaciónes de Jóvenes Empresarios) e da CEOE (Confederación Española de Organizaciones Empresariales). Agrupa a 1.413 empresas de toda Galicia que xeran preto de 7.000 empregos directos.*

III. *Os fins de AJE GALICIA son:*

- *Representar, defender e promocionar os intereses xerais e comúns dos seus membros (económicos, sociais, profesionais e culturais) ante toda clase de persoas e entidades, públicas ou privadas.*
- *Programar as accións necesarias para conseguir melloras sociais aos seus emprendedores e novos empresarios.*
- *Captar, fomentar, promover e desenvolver vocacións empresariais entre os mozos.*
- *Fomentar, axudar, desenvolver e apoiar proxectos empresariais.*
- *Impulsar a igualdade de oportunidades no mundo empresarial entre ambos os sexos e fomentar a creación de empresas por parte da muller.*
- *Servir de canle de comunicación entre empresas co fin de crear redes de mercado propias.*
- *Proporcionar aos seus asociados os servizos de formación, asesoramento, información e instalacións.*
- *Establecer e prestar os servizos de interese común ou específicos que requiran os seus membros, fomentando a solidariedade entre eles.*

IV. *Para a consecución dos seus fins AJE GALICIA ofrece, entre outros, estes servizos, para os que conta con equipos directivos e persoal técnico proesionalizados, con preparación especializada e experiencia no ámbito da actividade emprendedora:*

- *Asesoramento técnico empresarial para a creación de empresas.*
- *Asesoramento para a procura de financiamento en condicións preferentes, así como información de axudas.*
- *Posibilidade de acollerse a calquera dos convenios que Aje Galicia ten subscritos con distintas entidades públicas e privadas.*

- *Realización de proxectos de cooperación e formación con empresas pertencentes ao colectivo.*
- *Participación en encontros comerciais: Networking empresarial.*
- *Contacto e intercambio de experiencias con outros empresarios emprendedores.*
- *Facilitar sinerxías dentro do colectivo para o desenvolvemento e consolidación das empresas.*

*Dada a converxencia entre os seus obxectivos e fins, ambas as súas partes están interesadas en asinar o presente convenio.*

Que os intereses converxentes das partes asinantes exclúen o ánimo de lucro, e non poden satisfacerse axeitadamente mediante a celebración dun contrato dos contemplados no Texto Refundido da Lei de Contratos do Sector público, aprobado por Real Decreto Legislativo 3/2011, de 14 de novembro, ou doutro instrumento alleo á natureza estritamente convencional.

En atención ao exposto, e a fin de dar cumprimento ao preceptuado no artigo 15.2. da Lei 1/2016, de 18 de xaneiro, de transparencia e bo goberno, estímase xustificado o recurso á sinatura do instrumento convencional que se pretende, con exclusión doutras figuras.

Santiago de Compostela,

Norberto Penedo Rey  
Director do Area de Competitividade do IGAPE